

গণপ্রজাতন্ত্রী বাংলাদেশ সরকার  
তথ্য অধিদফতর  
বাংলাদেশ সচিবালয়  
ঢাকা।

সংবাদ গতিধারা

ঢাকা, বৃহবাৰ ২৫ নভেম্বৰ ২০১৫, ১১ অঞ্চলিক প্রাধান্য

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। ভারতের সঙ্গে আগের সব রঞ্জ চালুতে গুরুত্বারোপ প্রধানমন্ত্রীর
- ২। কর্ণফুলীর তলদেশে সাড়ে ৮ হাজার কোটি টাকা ব্যয়ে টানেল হবে  
: একনেকে ১২ প্রকল্প অনুমোদন
- ৩। শিগগিরই খুলছে ফেসবুক : স্বরাষ্ট্রমন্ত্রী
- ৪। নারীর ক্ষমতায়নে বড় বাধা ধর্মান্বতা ও কুসৎসার : তথ্যমন্ত্রী
- ৫। প্রাথমিকে উপবৃত্তি পাবে ১ কোটি ৩০ লাখ শিক্ষার্থী
- ৬। আগামী ৩০ ডিসেম্বর ভোট গ্রহণ : ২৩৪টি পৌরসভা নির্বাচনের তফসিল ঘোষণা
- ৭। ব্যাংক শুধু উচ্চবিত্তের ধনাগার নয় : পাঁচ দিনব্যাপী ব্যাংকিং মেলার উদ্বোধনকালে গভর্নর
- ৮। প্রচলিত আইনের আওতায় অনলাইন পত্রিকা পরিচালনা করা হোক : নোয়াব
- ৯। শুল্ক ও কোটামুক্ত বাণিজ্য সুবিধা চাইল বাংলাদেশ : ওয়াশিংটনে টিকফার বৈঠক
- ১০। জামায়াতের প্রতিষ্ঠানের বিরুদ্ধে ব্যবস্থা নিন : বাংলাদেশ ব্যাংককে অর্থ মন্ত্রণালয়ের চিঠি
- ১১। উত্তরায় জাপানি নারীর মৃত্যু নিয়ে রহস্য, তদন্তে পুলিশ
- ১২। ৮ জানুয়ারি শুরু বিশ্ব ইজতেমা

চলমান পাতা/২

### ১। ভারতের সঙ্গে আগের সব কৃট চালুতে গুরুত্বারোপ প্রধানমন্ত্রীর

প্রধানমন্ত্রী শেখ হাসিনা ঢাকা ও দিল্লীর মধ্যে সংযোগ এবং জনগণের সাথে জনগণের যোগাযোগ আরো বৃদ্ধির লক্ষ্যে ১৯৬৫ সালে ভারত-পাকিস্তান যুদ্ধের পর থেকে বন্ধ থাকা সীমান্ত সড়কগুলো পুনরায় খুলে দেওয়ার ওপর গুরুত্বারোপ করেছেন। তিনি বলেন, এর ফলে বাংলাদেশ ও ভারতের মধ্যে সংযোগ এবং জনগণের সাথে জনগণের যোগাযোগ বৃদ্ধিতে সহায় হবে। ভারতের মেঘালয়ের বিজ্ঞান ও প্রযুক্তি বিশ্ববিদ্যালয়ের স্কুল অব বিজ্ঞেনের একটি প্রতিনিধিদল গতকাল ২৪ নভেম্বর মঙ্গলবার প্রধানমন্ত্রী শেখ হাসিনার সঙ্গে গণভবনে দেখা করতে গেলে তিনি এসব কথা বলেন। সাক্ষাৎ শেষে প্রধানমন্ত্রীর প্রেস সচিব ইহসানুল করিম এ ব্যাপারে সাংবাদিকদের অবহিত করেন। সূত্র-ইত্তেফাক (পৃ.১৯,ক.১), জনকর্ত (পৃ.১,ক.৮), ভোরের কাগজ (পৃ.১,ক.৫), ডেইলি সান (শেষ পৃ.,ক.১), নিউজ টুডে (শেষ পৃ.,ক.২)।

### ২। কর্ণফুলীর তলদেশে সাড়ে ৮ হাজার কোটি টাকা ব্যয়ে টানেল হবে : একনেকে ১২ প্রকল্প অনুমোদন

চট্টগ্রামের গভীর সমুদ্রবন্দর এবং কর্বুজাজারকে সংযুক্ত করার জন্য চীনের আদলে কর্ণফুলী নদীর তলদেশে টানেল নির্মাণসহ মোট ১২টি প্রকল্প অনুমোদন দিয়েছে অর্থনৈতিক পরিষদের নির্বাহী কমিটি (একনেক)। পাশাপাশি এশিয়া হাইওয়ে নেটওয়ার্কের সঙ্গে সংযোগ স্থাপন করা হবে। অনুমোদিত ১২টি প্রকল্পের মোট ব্যয় ধরা হয়েছে ১৬ হাজার ৯শ' ৭৮ কোটি ৮০ লাখ টাকা। এর মধ্যে জিওবি ১১ হাজার ৭শ' ২৫ কোটি ১৯ লাখ টাকা, সংস্থার নিজস্ব তহবিল ৪ কোটি ৯২ লাখ টাকা এবং প্রকল্প সাহায্য ৫ হাজার ২শ' ৪৮ কোটি ৬৯ লাখ টাকা। এর মধ্যে ৯টি নতুন প্রকল্প, ৩টি সংশোধিত প্রকল্প। গতকাল ২৪ নভেম্বর মঙ্গলবার রাজধানীর শেরেবাংলা নগরে এনইসি সম্মেলন কক্ষে একনেক চেয়ারপার্সন ও প্রধানমন্ত্রী শেখ হাসিনার সভাপতিত্বে ১৩তম একনেক সভায় প্রকল্পগুলো অনুমোদন দেওয়া হয়েছে। সূত্র-সংবাদ (পৃ.১,ক.৭), ইত্তেফাক (পৃ.১,ক.৫), জনকর্ত (পৃ.১,ক.৩), ডেইলি সান (পৃ.১,ক.২), নিউজ টুডে (পৃ.১,ক.৪)।

### ৩। শিগগিরই খুলছে ফেসবুক : স্বরাষ্ট্রমন্ত্রী

স্বরাষ্ট্রমন্ত্রী আসাদুজ্জামান খান কামাল বলেছেন, দেশের আইনশৃঙ্খলা পরিস্থিতি এখন স্বাভাবিক রয়েছে। ফলে বন্ধ থাকা সামাজিক যোগাযোগের মাধ্যম ফেসবুক, ভাইবারসহ অন্যান্য মাধ্যমগুলো শিগগিরই খুলে দেওয়া হবে। গতকাল ২৪ নভেম্বর মঙ্গলবার সচিবালয়ে সাংবাদিকদের বিভিন্ন প্রশ্নের জবাবে তিনি এসব কথা বলেন। সূত্র-ইত্তেফাক (শেষ পৃ.,ক.৮), সংবাদ (পৃ.১,ক.৮), ইনকিলাব (পৃ.১,ক.১), ডেইলি স্টোর (শেষ পৃ.,ক.১), নিউ নেশন (পৃ.১,ক.৮)।

### ৪। নারীর ক্ষমতায়নে বড় বাধা ধর্মান্ধতা ও কুসংস্কার : তথ্যমন্ত্রী

ধর্মান্ধতা, কুসংস্কার, পুরুষতাত্ত্বিকতা, জঙ্গিবাদ ও সাম্প্রদায়িকতা নারী ক্ষমতায়নের সবচেয়ে বড় বাধা হিসেবে উল্লেখ করেছেন তথ্যমন্ত্রী হাসানুল হক ইনু। তিনি বলেন, এসব বাধা দূর করতে রাজনৈতিক সদিচ্ছার কোনো বিকল্প নেই। গতকাল ২৪ নভেম্বর মঙ্গলবার আগারগাঁওয়ে জাতীয় স্থানীয় সরকার ইনসিটিউটে প্রিপ ট্রাস্ট আয়োজিত এক মতবিনিময় সভায় প্রধান অতিথির বক্তব্যে মন্ত্রী এ কথা বলেন। সূত্র-সংবাদ (শেষ পৃ.,ক.৩), সমকাল (পৃ.২,ক.৮), ইনকিলাব (শেষ পৃ.,ক.৩)।

### ৫। প্রাথমিকে উপবৃত্তি পাবে ১ কোটি ৩০ লাখ শিক্ষার্থী

প্রাথমিক ও গণশিক্ষামন্ত্রী মোস্তাফিজুর রহমান ফিজার বলেছেন, আগামীতে কোনো শিশু-শিক্ষার্থী উপবৃত্তির বাইরে থাকবে না। আগামী বছর থেকে প্রাথমিক বিদ্যালয়ের এক কোটি ৩০ লাখ শিক্ষার্থীকে উপবৃত্তি প্রদান করা হবে। গতকাল ২৪ নভেম্বর মঙ্গলবার রাজধানীর ব্র্যাক সেন্টারে ‘দুর্গম এলাকায় প্রাথমিক শিক্ষার প্রতিবন্ধকতা’ বিষয়ক নীতিনির্ধারণী এক সংলাপে প্রধান অতিথির বক্তব্যে তিনি এ কথা জানান। হাওর অঞ্চলের প্রাথমিক শিক্ষার হালচাল নিয়ে ব্র্যাক পরিচালিত এক গবেষণা প্রতিবেদন উপস্থাপন উপলক্ষে এ সংলাপের আয়োজন করা হয়। সূত্র-সমকাল (পৃ.১৯,ক.২), ইনকিলাব (শেষ পৃ.,ক.২), বাংলাদেশ টুডে (শেষ পৃ.,ক.৭)।

### ৬। আগামী ৩০ ডিসেম্বর ভোট গ্রহণ : ২৩৪টি পৌরসভা নির্বাচনের তফসিল ঘোষণা

আগামী ৩০ ডিসেম্বর বুধবার দেশের মেয়াদেত্তীর্ণ ২৩৪টি পৌরসভায় একযোগে ভোটগ্রহণ করবে নির্বাচন কমিশন (ইসি)। এবারই প্রথম স্থানীয় কোনো নির্বাচনে দলীয়ভাবে ভোটগ্রহণ হবে। তবে শুধুমাত্র মেয়র প্রার্থীরা দলীয় প্রতীকে লড়তে পারবেন। কাউন্সিলররা নির্দলীয় হবেন, তারা কোনো দলীয় প্রতীক পাবেন না। আবার কোনো দল কোনো পৌরসভায় একাধিক মেয়রপ্রার্থী দিলে সব প্রার্থীর মনোনয়ন বাতিল বলে গণ্য হবে।

প্রধান নির্বাচন কমিশনার (সিইসি) কাজী রকিবউদ্দীন আহমদ গতকাল ২৪ নভেম্বর মঙ্গলবার রাজধানীর আগারগাঁওয়ে ইসি সচিবালয়ের মিডিয়া সেন্টারে আয়োজিত এক সংবাদ সম্মেলনে নির্বাচনের তফসিল ঘোষণা করেন। সুত্র-ভোরের কাগজ (পৃ.১,ক.৬), জনকষ্ঠ (পৃ.১,ক.২), যুগান্তর (পৃ.১,ক.৫), ইডিপেনডেন্ট (পৃ.১,ক.৭), নিউজ টুডে (পৃ.১,ক.৬)। প্রথম আলো, ইত্তেফাক, সমকাল, সংবাদ, ডেইলি স্টার, ডেইলি অবজারভারসহ অধিকাংশ দৈনিক এ বিষয়ে লিড নিউজ ছিপেছে।

#### ৭। ব্যাংক শুধু উচ্চবিভাগের ধনাগার নয় : পাঁচ দিনব্যাপী ব্যাংকিং মেলার উদ্বোধনকালে গভর্নর

ব্যাংক শুধু উচ্চবিভাগের ধনাগার নয়, দরিদ্রের ক্ষমতায়নের নিবেদিত কারখানাও বটে। মানুষ হচ্ছে তার আর্থিক উন্নতির সহযোগী বস্তু। তাই ব্যাংকগুলো যাতে উন্নয়ন কর্মকাণ্ড সাধারণ মানুষের কল্যাণে পরিচালনা করে। দেশকে এগিয়ে নেয় সাধারণ মানুষ। কিন্তু উন্নয়ন থেকে তারাই থাকে বাধিত। এসব মানুষকে সম্পৃক্ত করে উন্নয়নযাত্রা অব্যাহত রাখতে হবে। গতকাল ২৪ নভেম্বর মঙ্গলবার বাংলা একাডেমি প্রাঙ্গণে ৫ দিনব্যাপী ব্যাংকিং মেলা উদ্বোধনকালে প্রধান অতিথির বক্তব্যে এসব কথা বলেন বাংলাদেশ ব্যাংকের গভর্নর ড. আতিউর রহমান। সুত্র-ইত্তেফাক (পৃ.১৮,ক.৬), ইনকিলাব (শেষ পৃ.,ক.১), জনকষ্ঠ (শেষ পৃ.,ক.৬), ডেইলি সান (পৃ.১,ক.৭), ফিনানশিয়াল এক্সপ্রেস (পৃ.১,ক.৬)।

#### ৮। প্রচলিত আইনের আওতায় অনলাইন পত্রিকা পরিচালনা করা হোক : নোয়াব

নিউজ পেপারস ওনার্স এসোসিয়েশন অব বাংলাদেশ (নোয়াব) গতকাল ২৪ নভেম্বর মঙ্গলবার সংবাদ মাধ্যমে দেওয়া এক বিবৃতিতে নতুন করে নিবন্ধন নয়, বরং প্রচলিত আইন ও নীতিমালার আওতায় অনলাইন গণমাধ্যম পরিচালনার দাবি জানিয়েছে। ছাপা পত্রিকার অনলাইন সংস্করণসহ সব অনলাইন গণমাধ্যম নিবন্ধন বিষয়ে সরকারের সাম্প্রতিক উদ্যোগের পরিপ্রেক্ষিতে এই দাবি জানানো হয়। বিবৃতিতে বলা হয়, সময়ের প্রয়োজনে ও বৈশ্বিক প্রেক্ষণপটে ছাপা পত্রিকাগুলোর অনলাইন সংস্করণ রয়েছে, যেগুলোর মাধ্যমে দেশের পাঠক ছাড়াও প্রবাসী বাঙালিরা তাৎক্ষণিক দেশের খবরাখবর জানতে পারছেন। তাই এসব পত্রিকার অনলাইন সংস্করণের জন্য আলাদা নিবন্ধন কোনোভাবেই যুক্তিসংগত নয়। আর এর প্রয়োজন নেই বলেও মনে করে নোয়াব। সুত্র-ইত্তেফাক (পৃ.৩,ক.৪), প্রথম আলো (পৃ.১,ক.৩), ইনকিলাব (পৃ.১,ক.৮), সমকাল (পৃ.১,ক.১), ডেইলি স্টার (পৃ.১,ক.৮), ফিনানশিয়াল এক্সপ্রেস (পৃ.১,ক.১)।

#### ৯। শুল্ক ও কোটামুক্ত বাণিজ্য সুবিধা চাইল বাংলাদেশ : ওয়াশিংটনে টিকফার বৈঠক

যুক্তরাষ্ট্রের কাছে শুল্ক ও কোটামুক্ত বাণিজ্য সুবিধা চাইলো বাংলাদেশ। এছাড়া দেশটির কাছে স্থগিত হওয়া জিএসপি সুবিধা পুনর্বহালের দাবিও তোলা হয়েছে বাংলাদেশের পক্ষ থেকে। গত ২৩ নভেম্বর সোমবার ওয়াশিংটনে ইউএসটিআর এর কার্যালয়ে দু'দেশের প্রতিনিধিদের মধ্যে অনুষ্ঠিত ট্রেড এন্ড ইনভেস্টমেন্ট কোঅপারেশন ফোরাম এগিমেন্ট বা টিকফার বৈঠকে এ সুবিধাগুলো চাওয়া হয়েছে। সুত্র-ইত্তেফাক (পৃ.১,ক.৮), জনকষ্ঠ (পৃ.১,ক.৮), সংবাদ (পৃ.১,ক.৮), ডেইলি স্টার বিজনেস (পৃ.১,ক.৩), ডেইলি সান (শেষ পৃ.,ক.২)। নিউজ টুডে, নিউ নেশন এ বিষয়ে লিড নিউজ ছিপেছে।

#### ১০। জামায়াতের প্রতিষ্ঠানের বিরুদ্ধে ব্যবস্থা নিন : বাংলাদেশ ব্যাংককে অর্থ মন্ত্রণালয়ের চিঠি

একান্তরে মানবতাবিরোধী অপরাধে অভিযুক্ত রাজনৈতিক দল জামায়াতে ইসলামীর সংশ্লিষ্টতা থাকতে পারে এমন প্রতিষ্ঠানের বিরুদ্ধে ব্যবস্থা নিতে বাংলাদেশ ব্যাংককে নির্দেশ দিয়েছে অর্থ মন্ত্রণালয়। জামায়াতের প্রতিষ্ঠান বন্ধে বিভিন্ন সংগঠনের দাবির মধ্যে এ নির্দেশ এলো। গত ২২ নভেম্বর রোববার অর্থ মন্ত্রণালয়ের ব্যাংক ও আর্থিক প্রতিষ্ঠান বিভাগ থেকে গভর্নর ড. আতিউর রহমানকে এ চিঠি দেওয়া হয়। সুত্র-সমকাল (শেষ পৃ.,ক.৬), প্রথম আলো (শেষ পৃ.,ক.১), ইত্তেফাক (পৃ.২,ক.১), ডেইলি স্টার (পৃ.২,ক.১), ইডিপেনডেন্ট (পৃ.২,ক.৭)।

#### ১১। উত্তরায় জাপানি নারীর মৃত্যু নিয়ে রহস্য, তদন্তে পুলিশ

রাজধানীর উত্তরায় জাপানি এক নারীর মৃত্যুর রহস্য উদঘাটনে মাঠে নেমেছে পুলিশ। এ ঘটনায় ছয়জনকে আসামি করে একটি মামলাও হয়েছে। হিসেবে মিয়েতা নামের ষাটোর্ধ্ব ওই নারী প্রায় দশ বছর ধরে ‘আবেধভাবে’ বাংলাদেশে বসবাস করছিলেন। তিনি এ দেশে বায়িং হাউজের ব্যবসায় জড়িত ছিলেন বলে পুলিশ জানিয়েছে। সুত্র-যায়বায়দিন (শেষ পৃ.,ক.২), সমকাল (শেষ পৃ.,ক.২), ইনকিলাব (পৃ.১,ক.৩), নিউ নেশন (পৃ.১,ক.১), ডেইলি স্টার (পৃ.৩,ক.১)।

## ১২। ৮ জানুয়ারি শুরু বিশ্ব ইজতেমা

শেষ হলো পাঁচ দিনব্যাপী জোড় ইজতেমা। টঙ্গীর তুরাগ নদের তীরে গতকাল ২৪ নভেম্বর মঙ্গলবার মোনাজাতের মধ্য দিয়ে শেষ হয় এই ইজতেমা। গত ২০ নভেম্বর শুক্রবার বাদ ফজর বয়ানের মধ্য দিয়ে শুরু হয়েছিল জোড় ইজতেমা। আগামী ৮ জানুয়ারি শুরু হচ্ছে দুই পর্বের বিশ্ব ইজতেমা। সূত্র-প্রথম আলো (পৃ.৩,ক.১), ঘায়যায়দিন (শেষ পৃ.ক.২)।

### সম্পাদকীয়

- ক. প্রথম আলো, সমকাল, যুগান্তর, ডেইলি স্টার : রাজধানী ঢাকার বিভিন্ন এলাকায় জলাবদ্ধতার ফলে বিপুল পরিমাণ ক্ষয়ক্ষতি হয় বিশ্বব্যাংকের এক প্রতিবেদনে এ তথ্য প্রকাশিত হয়েছে উল্লেখ করে তা নিরসনে পয়ঃনিষ্কাশন ব্যবস্থা উন্নত করা, খাল ও জলাশয়গুলো দখলমুক্ত করে পানি চলাচলের ব্যবস্থা করাসহ বিভিন্ন উদ্যোগ নেওয়ার ওপর গুরুত্বারোপ;
- খ. ইত্তেফাক, সংবাদ : পাবলিক বিশ্ববিদ্যালয়ের শিক্ষকদের একটি অংশ বেশিরভাগ সময় কর্মসূলে অনুপস্থিত থেকে প্রাইভেট বিশ্ববিদ্যালয়ে খণ্ডকালীন শিক্ষকতা করেন এ অভিযোগ আমলে নিয়ে এ ব্যাপারে শিক্ষকদের জবাবদিহিতার আওতায় আনার সুপারিশ;
- গ. জনকর্ত্ত : দেশে পরিবেশ দূষণজনিত রোগবালাইসহ ঘাবতীয় সমস্যা জটিল আকার ধারণ করায় শক্ত প্রকাশ করে এ ব্যাপারে জনসচেতনতা বাড়ানোর আহ্বান;
- ঘ. সংবাদ : নারায়ণগঞ্জের সোনারগাঁয়ে প্রায় ৩০ হাজার অবৈধ গ্যাস সংযোগ দিয়ে কোটি টাকা হাতিয়ে নিচ্ছে একটি সিভিকেট চক্র উল্লেখ করে এ সিভিকেট চক্রের বিরুদ্ধে আইনি ব্যবস্থা নেওয়ার দাবি;
- ঙ. সমকাল : উপজেলা হাসপাতাল ও প্রত্যন্ত অঞ্চলে স্বাস্থ্য কেন্দ্রগুলোর ডাক্তার, নার্স ও ঔষুধ সংকট নিরসন করে উন্নত চিকিৎসাসেবা জনগণের দোরগোঁড়ায় পৌছে দেওয়ার ওপর গুরুত্বারোপ;
- চ. ডেইলি স্টার, ডেইলি সান : তাজরিন ফ্যাশনসে অফিকান্সে ৩ বছর পরও ক্ষতিগ্রস্তদের এখনও ক্ষতিপূরণ না দেওয়ায় দোষীদের বিরুদ্ধে আইনি ব্যবস্থা নেওয়ার আহ্বান;
- ছ. ইভিপেন্ডেন্ট : শিক্ষা প্রতিষ্ঠানে শিক্ষার্থীদের বিজ্ঞান শিক্ষায় উৎসাহিত করতে সরকারকে বিভিন্ন উদ্দীপনা, আর্থিক সহায়তাসহ টিউশন ফিহাসের মত নানাবিধি পদক্ষেপ নেওয়ার সুপারিশ;
- জ. ডেইলি অবজারভার : বাংলাদেশে আইএস ইস্যুতে সবাইকে সতর্ক থাকার আহ্বান;
- ঝ. নিউ নেশন : সামাজিক যোগাযোগ মাধ্যম বন্ধ থাকায় দেশের ব্যবসা বাণিজ্য ক্ষতি হওয়ায় কর্তৃপক্ষকে এ ব্যাপারে দ্রুত সিদ্ধান্ত নেওয়ার সুপারিশ;
- ঝও. ফিনানশিয়াল এক্সপ্রেস : বায়ু দূষণের কারণে দেশের ৬৭ শতাংশ শিশু শ্বাসকষ্টজনিত বিভিন্ন রোগে ভোগার চির তুলে ধরে শিশুদের স্বাভাবিকভাবে ও সুস্থিতাবে বেড়ে উঠতে সমাধানযোগ্য পদক্ষেপ নেওয়ার ওপর গুরুত্বারোপ করে সম্পাদকীয় প্রকাশ করেছে।

### উপ-সম্পাদকীয়

সংবাদ পত্রিকায় প্রকাশিত কলামে মুক্তিযুদ্ধের প্রকৃত চেতনাধারী শক্তিকে ঐক্যবদ্ধ করে জনগণের আন্তর্ভাজন দেশপ্রেমিক বিকল্প শক্তি হিসেবে গড়ে তুলতে হবে বলে উল্লেখ করা হয়েছে।

### নিবন্ধ ও ফিচার

প্রথম আলো পত্রিকায় প্রকাশিত ‘সহিংসতার বিরুদ্ধে এক হও’ শিরোনামের নিবন্ধে সালমা খান সুশীল সমাজ ও ব্যক্তি নাগরিক পর্যায়ে বিশেষ করে মিডিয়ার পক্ষ থেকে নারীর প্রতি সহিংসতা নিরসনের পক্ষে জন উদ্বৃদ্ধকরণ কর্মসূচি গ্রহণ করতে হবে বলে অভিমত প্রকাশ করেছেন।

#

ফারহানা/ফাহিমা/মরজিনা/সাইদা/বিপু/২০১৫/৯.০০ ঘটা